



Inatsisartunut ilaasortaq

Michael Rosing (D)

/ Maani

Asasara Michael Rosing,

Qujanaq "attartortumiit piginnittuunermet aaqqissuussinermet" tunngatillugu apequtinnut aammalu tassunga tunngatillugu akit nikingassutaannut qularnaveeqqusiisarneq pillugu apequtinnut.

22. Juli 2014
Sagsnr. 2014-101959
Dok. Nr. 1642959

Postboks 909
3900 Nuuk
Tlf. (+299) 34 50 00
Fax: (+299) 34 54 10
E-mail: in@nanoq.gl
www.naalakkersuisut.gl

Apequt 1:

Attartortumiit piginnittumut pisinerit qassit akilersuiffissap sinnerani akit nikerarannaannut qularnaveeqqusiiffigineqarnikuuppat?

Akissut:

Aningaasaqarnermut Sulisoqarnermullu Aqutsisoqarfimmit ilisimatitsissutigineqarpoq, akit nikingassutaannut qularnaveeqqusiinerit 97-it inissianut "attartortumiit piginnittuunermet" tunngatillugu tunineqarsimasunut nalunaarsorneqarsimasut.

Apequt 2:

Taakkunanga akit nikerarannaannut qularnaveeqqusiiffigineqarsimasut qassit nalikilliiiffigineqarnikuuppat 50 % ataannut?

Akissut:

Aningaasaqarnermut Sulisoqarnermullu Aqutsisoqarfimmit ilisimatitsissutigineqarpoq, akit nikingassutaannut qularnaveeqqusiinerit 97-iusunut, 43-it 50 % ataallugu nalikilliiiffigineqarsimasut.

Apequt 3:

Illup iluanaarutissartaata nalinganut ullumikkut kreditforeningimut taarsigassarsiniartoqarsinnaanngilaq illu attartortumiit piginnittumut aaqqissuussineq atorlugu pisiaasimappat illulu pillugu akit nikerarannaannut qularnaaveeqqusiisoqarsimappat. Kreditforeningip taarsigassarsititseqikkumasanninneranut pissutaavoq akiligassaqarpat, akiligassap annertussusaa apeqqutaatinnagu.

Naalakkersuisut sulissutigiumanerlugu akit nikerarannaannut qularnaveeqqusiisarnerup kingumoortunngortissinnaanissaa eqqarsaatigalugit illup iluanaarutissartaata neqitsiullugu taarsigassarsiniartartut, taarsigassarsiat atornerqarniarpata illup aserfallatsaalinnissaanut imaluunniit pitsanngorsarnissaanut?

Akissut:

Apeqqut pissutissaqalersitsivoq Akissutiginiakkannut ilanngullugu aaqqissuussinerup ataatsimut isigalugu nassuiaatiginissaanut.

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq (matuma kingorna "Attartortumiit piginnittumut" aqqissuussineq 2007-meersoq) naapertorlugu, pisortat inissiaataat tunineqartarput, tassa imaappoq ilaqutariinnut ataatsinut illuutit, illuutit marloqiusat imaluunniit inissiat, tamatigullu niuernermi akigitinneqartut tunngavigineqartarput. Taamaattorli inissiani, tassa inissiaateqarfinni pingasunik amerlanerusunilluunniit attartortittakkanik inissiartaqartuni akit nikingassutaannut qularnaveeqqusiisoqarsinnaavoq.

Akit nikingassutaannut qularnaveeqqusiinerup annertuussusissaanut apeqqutaavoq, inissiami ineqartoq qanoq sivisutigisumik najugaqarsimanersoq. Akit nikingassutaannut qularnaveeqqusiisoqarsinnaanera qummut killeqarpoq, apeqqutaalluni inissiami pineqartumi ineqqat qanoq amerlatiginersut.

"Attartortumiit piginnittumut" aqqissuussinermi 2007-meersoq naapertorlugu, qularnaveeqqusiisarnernut tunngatillugu tunisinermi pingaarnersiuiineq imaappoq:

Pisisup pisinermini nammineq aningaasaliinera (taarsigassarsiniartarfimmit imaluunniit aningaaserivimmit taarsigassarsilluni)

Tunisiumit 40 %-imik taarsigassarsiniarneq (Namminersorlutik Oqartussat imaluunniit Kommuni)

Akit nikingassutaannut qularnaveeqqusiineq

Periusissaq malillugu inissiamik inissiaateqarfimmiittumik tunisisoqaraangat piginnittut peqatigiiffiannik pilersitsisoqartartussaavoq. Pisarneq malillugu qularnaveeqqusiissut 45.000 koruuninik naleqartoq nalunaarsorneqartarpoq inissiamik piginnittup, piginnittut peqatigiiffiannut akiliutitut qulakkeerinnissutaalluni, taannalu inissiaataalersumut qularnaveeqqutit akiliutinillu tamanit pingaarnersaavoq. Piginnittut peqatigiiffiannut qaammammut akiliutaasartut assigiinngisitaarput, taamaattorli nikerarsinnaapput assersuutigalugu 750 koruuninuit 3.000 koruunuit tungaannut, matumani apeqqutaagami piginnittut peqatigiiffiata aningaasartuutigisartagai suunersut. Piginnittut peqatigiiffiata minnerpaamik aningaasartuutigisarpaat inissiaqarfiup sillimmaserneqarnera, taamaattorli aamma eqqaaviit imaarneqartarnerinut, eqqiluisaarnermut, aputaajaasitsisarnernut, silami qullilersuinnermut, kiassarnermut aammalu minnerunngitsumik inissiaqarfiup silataani aserfallatsaaliinnermut aammalu atorulersuutit ataatsimoorussanut aningaasanik immikkoortitsisoqartarpoq.

Nalinginnaavoq piginnittut peqatigiiffiata pisussaaffigisarmagu, inissiaqarfiup silataatungaata aserfallatsaaliorneqarnera, soorlu illup qisuttai, igalaat, illup qalia aammalu imermut kiassarnermut anartarfillu kuuffiannut inissiap iluatungaaniinngitsunut aserfallatsaaliuineq matumani assersuutigineqarsinnaapput.

Taamaalluni inissiamik piginnittut ataasiakkaat namminneq pisussaaffii taamaallaat tassaalertarput inissiap iluani aserfallatsaaliuineq aammalu pitsanngorsaaneq. Assersuutigalugu tassaasinnaapput nutaamik uffarfiliineq, nutaamik igaffiliineq imaluunniit nutaamik natiliineq.

Aallaviusumik "attartortumiit piginnittuinnermut" aqqissuussineq 2007-meersup periarfissariitai tunngavigalugit piginnittoq periarfissaqarpoq taarsigassarsiniartarfinnut imaluunniit aningaaserivinnut inissiaatip iluarsaannissaanut nutarternissaanullu taarsigassarsiniassalluni, taamaallaat isumannaagassaasarpooq aningaaseriviup uppernasassagaa akiitsorineqartut inissiaatip niuerneq tunngavigalugu naleqassusianut sanilliullugit qaffasinnginnerunissaat.

Tassa aqqissuussinerup massakut atuuttup iluani periarfissaqarpoq, inissiamik pisisiup inissiaatigiligassaminik tiguisinerminut atatilugu, inissiaatigilikkap pitsanngorsarneqarnissaanut aammalu iluarsaanneqarnissaanut aningaasaliineq

ilanngullugu taarsigassarsiniartarfinnut aningaaserivinnulluunniit taarsigassarsinikkut matussuserallartissallugu.

Inissiaatip tunineqaqqinnerani inissiap niuernikkut nalingata 90 %-iisa iluaniissapput pisortanit taarsigassarsiarineqarsimasut. Taamaalilluni taarsigassarsiniarnermut 20/20/60-mut sanilliullugu piumasaqaatit nallersuunneqarput, tassani aamma pisortanit taarsigassarsiat inissiap niuernikkut nalingata 90 %-iisa iluaniissasoq piumasaqaatammat.

Naggasiutigalugu erseqqissassavara, "attartortumiit piginnittumut" aqqissuussineq attartortutut inissisimaannarnermut sanilliullugu aqqissuussaannermigut pitsaannerusutut inissisimalluni toqqagassatsialattut aqqissuussaassasoq siunertaammat. Taamaammat aqqissuussamut pineqartumut oqaaseqaatigineqartut sukumiinerusumik nassuiaatitaqartariaqarneranik imaluunniit erseqqissaateqartoqartariaqarneranik pisariaqartitsisoqarnerasoq nalilersuinissamut atorneqassapput.

Inussiarnersumik inuulluaqqusillunga


Siverth K. Heilmann